

مجموعه سنون

از

جمعیت علمیه عثمانیه

ایکینجی سنده

نومرو ۲۲

شوال

استانبول

جمعیت علمیه عثمانیه مطبعه سنده اولنشدز

۱۲۸۰



(خلاصهٔ پولیتیکه)

سویس جدولی حقه‌ده ادارهٔ مصریه ایلہ جدول قومانیاسی بینده
تکون ایدن منازلک فصلی ضمنده حشمتلو فرانسه ایمپراطوری
حضرتلری حکم انتخاب اولمش و کیفیتی بالتدقیق ایمپراطوره
عرض ایتک اوزره فرانسه خارجیه نظری طرفدن برقومسیون
تشکیل قلمش اولمغله خصوص مذکورک عهد قریبده
تسویه پذیر اولسی مأولدر .

مکسیقا ایمپراطوری ارشیدوق مقسلیلین حضرتلرینک کچنده
فرانسه و انگلترهیه وقوعبولان عزیمتی دولین مشارالیهما ایلہ
ممالک جدیده سنده اتخاذه لازم کلان تدابیری مذاکره ایتک
و باخصوص فرانسه اردوسنک مکسیقادہ دهانقدر مدت
اقامت ایتسی لازم کله جکئی حشمتلو فرانسه ایمپراطوری حضرتلریله
قرارلشدیرمق نیسته مبنی ایدوکی و مکسیقا ایچون فرانسه دن
ایکیوز میلیون فرانقلق بر استقراض عقدی مصمم بولندیخی
مرویدر .

انگلتره ده پرنس دوغاک تولد ایدن مخدومک و افتخار رسمی مناسبتله
اجرای شهر این اولمشدر . پرنس مشارالیهک زوجه سی
پرنسس دوغال دانیمارقه قرانک کریمه سی اولدیغندن شو
مناسبتله اهالی طرفدن دانیمارقه حقه‌ده زیاده سیله میل و مودت
کوسترلشددر .

باویرا قرالی اوچکون خسته اوله رق وفات ایدوب یرینه
ایکجی لوی نامیه ارغلی جلوس ایلشدر . قرال لاحق
اون سکزیاشنده اولوب اوروپا حکمدارلرینک سنا ال
کوچکدر .

صرپ ویوده سی میخانل بک اوتوزسکز یا شنده اولدیغی حالده
وارث حکومت اوله جق اولادی اولدیغندن اسقوبچینا تعیر
اولسان ملت مجلسنده بویکیفیت برقاچ دفعه موقع مذاکره
قولش وحتی قره طاغ ولادیقده سی نیقوله نک ولی عهد تعیین
اولمسی دخی سولتمش ایدی . مشارالیه میخانل بکک شمیدیکی
زوجه سی تطلیق ایدرک بشقه سی تروج ابلک نیتشده اولدیغی
اخبار اخیره دندر .

دائیمارقه مسئله سنک حلچون دولت طرفندن تکلیف اولسان
قونفراس متارکه اولتماق شرطیه دائیمارقه دولتی طرفندن قبول
اولمشدر . بناء علیه محاربه دوام ایدوب عساکر متفق فریدریقه
شهرخی حصر و تضییق ایتمکده در .

عساکر مذکوره زوندربورغ شهری اوزرینه دخی پک چوق
طوب اتمشله و شهر مذکور مستحکم اولدیغندن و بوجوهله
تخریب اولمسی حقوق ملل قاعده سنه مضایر بولندیغندن
متیقنک شو حرکتی اوروپا غزته لری تقبیح ایلشدر .